

(محمود بك) مطبعه سى

باب على جوارنده ابوالسعود جاده سنده نومرو ۷۲

۱۳۱۸

افلاخج صبر

محترم قارئلر،

مجله شرحنه مقدمه يازمغه جرأت ايده جك قدر حدناشناس
دكلم . آنكچون بوسطرلری معاملاتنه متعلق احكام قانونيه مزك
مكملتته بو احكامك اوروپا قوانين مدينه سي احكاميله
مقايسه سنه دائر جدی بر مطالعه بولمق فكريله تعقيب ايمه ييكز
بو اثر مهمك تدقيق مجله احكام عدليه نك اساسلرني احضار
ايدن ذوات عاليه نك نه قدر بيوك بر ذكايه ، نه قدر واسع
معلوماته ونه قدر درين بر ده ايه مالك اولدق لرني اظهار
ايده جكدر . بو يابده عاجز قلملرك مطالعه بيان ايتلری پك زائد
اولور .

بو اساسلرك اوروپا احكام مدينه سيله مقايسه سنه كلنجه :
بو او قدر عظيم تتبعاتي ايجاب ايدر او قدر آغير بر ايشدر كه
هنوز هيچ كيمسه درعهده ايده مامشدر . بوراده بنم عهد
عجز وضعفه ترتب ايدن وظيفه ، وظيفه معززه و مقدسه .
مفتون كالاتي اولديغم بر استاد محترمك حيات علميه وساعيه سي
حقنده برقاج سوز سويله مكدر . بو سوزلرك بيله بويله ابدی

بر آورده ير بولمغه لايق اولمديغنى بيليريم . فقط بونلرى بكا سويله تن حسياتك صافيت وخالصيتي معذور كورلمكلام ايجون بك قوى برسبب تشكيل ايدر .

*
**

بوكون برنجي جلدی انتشار ایدن بو اثر اوتوز سنهك برحيات علميهك محصول عرفان و تبعيدر . مؤلف محترمك كرسى تدريسى او كنده بولمق وبالخاصه كنديسىنى خصوصى اوله رق طانيق شريفه مفتخر ومباهى اولانلر بو حياتك بتون فضائل ومزاياسنى تقدير ايدرلر ، بو اثرك نه قدر جدی برسعى ايله ، نه قدر قوی بر عزم وجهد ايله يازلمش اولديغنه واقفدرلر . كنج دماغلرك تعليم و تربيه سى اغورنده چالشمغه ، متمادياً چالشمغه وقف ايدلين بو حياتك سميدن ، تبعدن ، خدمتدن بشقه بر نصيبى ، اوكرنوب اوكرتمكدن بشقه بر اندیشه سى يوقدى .

مملكتك وجود معرفتنه دها بيوك ، بك بيوك خدمتله ايده چكى برسنده افول ایدن بو حياتك پينده ترك ايتديكى نام واجب الاحترام الى الابد تبجيل و تعزير ايديله جكدر . اونك

سرمایه عرفان و کمالیدن مستفیض اولانلر آنجق بو صورته
دین شکرانلرینک پک کوچک بر جزئی اوده یه بیله جکاردر .

*

**

عاطف پک بو عصرک بیوک بر نحریری ، پک بیوک بر
معلمی ایدی . برنجیسنه اثری بر برهان قوی ، ایکنجیسنه
اعضای علمیه سی میانده بولندیغی مکتب بر شاهد علویدر .
فقط عاطف پک بوایکی خصیصه نادره نك فوقنده اولمق اوزره
بر بیوک مزیت و فضیلتی واردی که اوده کله نك بتون قوت
معناسیله بر انسان اولسی ایدی . حیات تبعیه سنده کوچک بر
لاقیدی ، حیات تدریسیه سنده کوچک بر ضعف ، حیات
مأموریتنده کوچک بر تقیصه یوقدی .

حیات تبعیه سی مملکتک بتون پرستشکاران معرفتی ،
حیات تدریسیه سی بتون طلبه علم و عرفانی ، حیات انسانیه سی
ایسه بتون ارباب ناموس و حمیتنی کندیسنه مفتون و مجلوب
ایلمشدی . بو محترم و معزز استادی بزم آره مزدن آیران او
غیر منتظر ضربه مدهشه نك نه قدر درین تأسفات و تلهفاتی
موجب اولدیغی بو کون حالا اونودلما مشدر ظن ایدرم . بز ،

اونك حیران فضائل و محاسنی اولانلر ، بونی اونو تمدق و هیچ
 بر زمان اونو تمیه جغز . بو حیاتلردن یالکز برینی صاف و پاک
 بر صورتده کچیره بیلیمک اگ بیوک بر موفقیت عد اولنمغه لایق
 ایکن هپسینده نمونه تقلید و امثال اوله جق بر طریق سلامت
 و استقامت تعقیب ایلمک نه قدر شایان غبطه ، نه قدر تبجیلات
 و تقدیراته احرادر !

محترم قارئلر ،

بو استاد فضیلت و معرفتک حیاتی حقنده نیم یازدیغم سطرلر
 حقیقت قارشیسینده پک ضعیف ، پک سونو کدر . اونک حیات
 انسانیه سنی آ کلامق ایچون کندیسینی یقیندن طانیق ، حیات
 تدریسیه سی حقنده بر فکر صحیح ایدینه بیلیمک ایچون اونک
 کریمی خطابی اوکنده ، تقریر سالیس و بلیغی قارشیسینده
 مسحور قالان طلبه سی ایچنده بولنمق لازمدی . بو ایکی عالی
 شرفه مظهر اولانلر کندیلرینی بختیار عد ایتلیدرلر . چونکه
 بو خاطره لر پک علوی ، پک قیمتداردر !

معزز ممالکتمزک بو بیوک اولادینہ قارشی بزم ایفاسنہ
 مجبور اولدیغمز بر دین واردرکه اوده بو کون ساحه انتشاره
 چیقان بو اوردن برخاطره شکر کذارى اولق اوزره بر نسخه
 اخذینه شتابان اولمقدر . بویله جدی ومکمل بر اثر قارشیسندنه
 لاقید قالمالی یز . معرفتپرور ، حق شناس اولدیغمزی اثبات
 ایتلی یز . بر ممالکتمده آنجق یارم عصرده بر نشر ایدیله ییلن بویله
 قصورسز بر اثرک کتابجیلرک جاملری ایچنده اسکیمسنه مساعده
 ایتاملی یز .


رخصت مخصوصه سی استحصال ایدلمش اولان بو اثرک بر
 آن اول اکمال طبعی بزم رغبتمه متوقفدر . کتبخانه ملیمزک
 بویله بر اثرله بر آن اول ترینی ایچون بو رغبتی ابدال ایلملی یز .
 حتی ایچمزده مکتب شاگردانه توزیع ایتک اوزره یوز طاقم
 بردن اشترا ایتک کبی علوجناب کوسه ترنلرده بولنمیدر . بز
 نانکور اولدیغمزی آنجق بوصورتله اظهار ایده ییلیرز .

مطبوعات عثمانیه یه ترتب ایدن وظیفه ده بو اثر نفیس
 ومهمک انتشارندن بتون قارئینی خبردار ایلیمک ایچون تمادیا
 اعلان ایلمکدر . اولاد ممالکتمه پک بیوک خدمتلا ایدن برذاتک

خاطر هسنه خادم ممالکت عد اولتمق لازم کلن مطبوعات هر کسدن
زیاده رعایت ایتلیدر دکلیی؟

بنده بوراده استاد محترم ومکر ممزك اولاد لرینه بزى بویله
بر اثرله مسعود ومستفید ایتدکاری ایچون اینقای تشکر ایدرک
سوزی کسیونم.

محمد جاوید



مجله جمعیتك مضبوطه سیدر

محاط علم عالی وکالتناهیاری بیوردینی اوزره علم فقهک امر دنیایه تعلق ایدن جهتی مناکحات و معاملات و عقوبات قسملرینه منقسم اولدینی کبی ملل متمدنه نك قوانین اساسیه سی دخی بو اوچ قسمة تقسیم و معاملات قسمی قانون مدنی دیو توسیم اولنور فقط بو عصر لرده معاملات تجاریه پک زیاده توسع ایلمش اولدیغندن پولیچه و افلاس کبی پک چوق خصوصارده قانون اصلیدن استتئا اولمش بو مسائل استثنائی بی حاوی بشقه جه برده تجارت قانوننامه سی تنظیم قلمشدر که خصوصات تجاریه ده معمول به اولوب جهات سائرده ینه قانون مدنی به مراجعت قلیور مثلا بر محکمه تجارتده تجارت قانونی حکمنجه رؤیت اولنان بر دعوانک رهن و کفالت و وکالت کبی بعض خصوصات متفرعه سنده قانون اصلی به مراجعت اولنه یور جرائمند نشأت ایدن حقوق عادیه دعوالرنده دخی بو منوال اوزره معامله ایدیلیور قانون مدنی به مقابل دولتعلیه ده قدیماً و حادثاً پک چوق قوانین و نظامات یا بلمشدر واکرچه بونلر کافه معاملاتک فصل و تسویه سنه کافی دکل ایسه ده علم فقهک معاملات قسمی بو خصوصده اولان احتیاجاته کافی و وافیدر و دعاوینک شرع و قانونه حواله سنجه بعض مشکلات کورلمکده ایسه ده تمیز حقوق مجلسلری حکامک تحت ریاستلرنده بولنه رق امور شرعیه بی شرعاً رؤیت ایتدکلی کبی مجالس تمیزده نظاماً رؤیت اولنان ماده لر دخی آنلرک معرفتیه فصل و بو مثللو مشکللر حل اولنمقده در شوقدر که قوانین و نظامات ملکیه نك اصل و مرجعی علم فقه اوله رق نظاماً رؤیت اولنان موادک دخی نیجه خصوصات متفرعه سی مسائل فقهیه به تطبیق ایله فصل و حسم اولنه کلوب مجالس تمیز اعضاسی ایسه مسائل فقهیه به مطلع اولمقلرندن کویا حاکم افندیلر قوانین و نظامات موضوعه نك خارجنده اوله رق مراجعاتی استدکلیر قالدیه دوکه یورلر نظریله باقوب بر

طاقم سوء ظنلره ذهاب ايله كفتكويه باعث اوله يورلر . دولت عليه نك تجارت محكمه لرزنده دخى تجارت قانوننامه هايونى دستورالعمل اولوب دعوانك تجارته تعلق ايتيان خصوصات متفرعه سنده عظيم مشكلات چكلمكده در شويلاه كه : اوروپا قانونلرينه مراجعت اولنسه چونكه بونلر باراده سنيه موضوع قوانين اولديغندن محاكم دولت عليه مدار حكم اوله ماز شرعه حواله اولندقدده دخى محاكم شرعيه او مثللو خصوصات متفرعه ده مرافعه يي اساسندن طومتغه مجبور اولور . حالبوكه ايكي محكمه نك اصول محاكمه سي اساساً مختلف اولديغندن بالطبع ايشده چتاللق پيدا اولديني جهته بو مثللو خصوصاتده محاكم تجارتدن محاكم شرعيه مراجعت ايديله ميور محاكم تجارت اعضاسى كتب فقهييه مراجعت ايتسون دينلورسه بو دخى قابل دكسدر زيرا فن فقحه انتساب خصوصنده آنلر دخى مجالس تمييز اعضاسيله هم حالدر علم فقحه ايسه بر بحر بي پايان اولوب بوندن درر مسائل لازمه يي استنباط ايله حل مسئله ايد بيلمك خيليدن خيلي مهارت و ملكه يه موقوفدر على الخصوص مذهب حنفي اوزره طبقات متفاوتده پك چوق مجتهدلر كلوب اختلافات كثيره وقوعبولمش وفقه حنفي فقه شافعي كبي تنقيح ايديله ميوب پك متشعب و متشخت اولمشدر ايشته بونجه اقوال متخالفه ايچنده قول صحيحى تمييز ايله حوادنك اكا تطبيقنده عظيم عسرت واردر قالدিকে تبدل اعصار ايله عرف وعادته مبتى اولان مسائل فقهييه دخى تبدل ايدر . مثلاً قدامى فقها عندنده اشترى اولنه جق خانه نك بر او طه سنى كورمك كافيدر و متأخرين عندنده هر او طه سنى كورمك لازمدر بوايسه عن دليل براختلاف اولميوب بلكه انشآت حقه ده عرف وعادتك اختلافدن نشأت ايتمشدر كه مقدما خانه لرك هر او طه سنى بر طرز اوزره ياييله كلديكندن بر او طه سنى كورمك سائرينى كورمكدن معني ايش مؤخرآ خانه لرك او طه لرى مختلف يابلقم عادت اولديغندن هر او طه سنى كورمك

لازم کلمشدر حقیقت حالده لازم اولان کیفیت ایسه مقصد شرایه کوره بر علم کافی حاصل ایتمکدن عبارت اولمسیله اصل قاعده شرعیه تغیر ایتمیوب فقط بونک حواده امر تطبیقی تبدل احوال زمان ایله تبدل اییدیور بو مثلواختلاف زمانی ایله اختلاف برهانی بینی فرق وتمیز ایتمک دخی خبلی دفته محتاجدر مسائل فقهیه بی احاطه ایله غورینه اطلاع ایسه پک کوچدر وبرارلق مسائل فقه حنفی جمع واحاطه ایتمک اوزره عصرک فقها وفضلاسی جمع ایدیله رک تاتار خانیه وفتاوی جهانگیریه کبی کتابلر تألیفنه همت اولمش ایسه دینه بالجمله فروع فقهیه واختلافات مذهبییه حصر واحاطه ایدیله مامشدر وفی الواقع کتب فتاوی حوادثک قواعد فقهیه یه تطبیقنه دائر ویرلمش اولان فتوالری حاوی مؤلفات دیمک اولوب حالبوکه بونجه عصر لردنبرو سادات حنفیه طرفندن ویرلمش اولان فتاوانک جمع واحاطه سی نقدر دشوار اولدینی محتاج بیان دکلدرد بناء علیه (ابن نجیم) بر طاقم قواعد ومسائل کلیه بی جمع ایدرک بونلرک تحتند فروع فقهی علی وجه الاحاطه درج ایلمک یولنده برکوزل چغیر آچمش ایسه ده آندن صکره کی عصر لک عالم وفقیه یتشیدیر مک یولنده اولکی سماحتی کوریه مدیکندن آنک اثرینه اقتفا ایله آچمش اولدینی چغیری شاهراه ایده بیله جک ذاتلر ظهوریه بویولده بذل جهد ایلملرینه مساعد اولمامشدر وشمدی ایسه هر طرفده علوم شرعیه ده مهارتلو ذواته ندرت کلدیکنندن محاکم نظامیه ده لدی الايجاب کتب فقهیه یه مراجعتله حل شبهه ایده بیله جک اعضا بولندر مق شویله طورسون ممالک محروسه ده کائن بوقدر محاکم شرعیه یه کافی قضات بولمق مشکل اولمشدر .

بناء علی ذلک اختلافاتدن عاری ویالکنز اقوال مختاره بی حاوی اولمق اوزره معاملات فقهیه دائر سهل المأخذ برکتاب یا پالسسه هر کس قولایلقله مطالعه ایدرک معاملاتنی اکا تطبیق وبویله مضبوط برکتاب اولدینی حالده

نائب افتدیلره عظیم فائده سی اوله جنی کبی مجالس نظامیه اعضاسیله امر اداره ده بولن ان مأمورین دخی بالمطالعہ مسائل شرعیہ به انتساب ایله لدی الایجاب ایشلرینی وسعلری مرتبه شرعشریفه توفیق ایدر لر وهم محاکم شرعیه ده معتبر ومرعی وهمده مجالس نظامیه ده حقوق دعوالری ایچون قانون وضعندن مستغنی اولور مطالعه سنه مبنی اوله بر اثر جلیک وجوده کلمسی خیلی وقتدن برو آرزو اولنور بر کیفیت اولوب حتی بونک ایچون مجلس تنظیمات دائره سنده بر جمعیت علمیه تشکیل ایدلمش وخیلیجه مسائل یازلمش ایکن حیز فعله کله میوب بودخی (الامور مرهونه باوقاتها) حکمنجه تاسیسی اهم اولان بر چوق مواد خیری به کبی مغبوط اعصار اولان عصر محاسن حصر هایونه قالمشدر .

موفقیته جلیله حضرت پادشاهی ثمره فیض بهره سی اوله رق مشاهد اعین افتخار اولان بونجه آثار حسنه صره سنده بودخی حصوله کلمک اوزره علم فقهدن عصرک احتیاجاتنه کوره روز مره ظهوره کلن معاملاتک تطبیقنه کافی اوله بیله جک اوله بر اثر خیرک وجوده کتیرلمسی امر اهی عاجز لرینه حواله بیورلمش اولدیغندن بر موجب اراده علیه دیوان احکام عدلیه دائره سنده بالاجتماع فقهک معاملات قسمندن کثیر الوقوع ومعاملات عصره کوره بدیهی اللزوم اولان مواد حقیقده سادات حقیقنه نک اقوال معتبره سی جمع ایدیلرک متعدد کتابلره تقسیم واحکام عدلیه اسمیه توسیم اولنمق اوزرد بر مجله ترتیبه بالابتدار مقدمه سیله کتاب اولی ختام بوله رق بر نسخہ سی ذات حقایق آیات حضرت فتواپناهی به ویرلدیکی کبی علم فقهده مهارت ومعومات کافی سی اولان دیگر بعض ذوات فخامه دخی برر نسخہ سی بالاعطا اولن ان اخطارات اوزرینه تعدیلات لازمه اجرا اولندقدنصکره تبیض ایله حضور حقایق ظهور وکالتپناهی لرینه عرض اولندی بونک لسان

عربی به نقل و ترجمه سی در دست اولدینی کبی دیگر کتابلر دخی جمع و تألیف اولنق اوزره در .

بالمطالعه محاط علم عالی بیوریلورکه مقدمه نك ایکنجی مقاله سی (ابن نجیم) ایله آنک مسلیکنه سالک اولان فقهانک جمع ایلدکبری قواعد فقهیه اولوب حکام شرع بر نقل صریح بولمقدجه یالکز بونلرله حکم ایده من لکن مسائل فقهیه نك انضباطنه کلی فائده لری اوله رق ارباب مطالعه مسائلی ادله سیله ضبط ایتمش اولورلر و مأمورین سائره یه هر خصوصده مرجع اوله بیلور و بونلرله بر آدم معاملاتتی مهما امکان شرعه توفیق و تقریب ایده بیلور بناء علیه کتاب یا خود باب عنوانیله یازلیوب مقدمه یه درج اولنمشدر .

کتب فقهیه ده اکثر یا مسائل ایله مبادی مخلوط اوله رق ذکر اولنمش ایسه ده بو مجله ده هر کتابه متعلق اولان اصطلاحات اول کتابک مقدمه سی اولق اوزره ذکر اولنمق مسائل سازجه ترتیب اوزره یازیلوب فقط بو مسائل اساسیه یی ایضاح ضمننده مثال اوله رق کتب فتا وادن بر خیلی مسائل درج و علاوه اولنمشدر فی زماننا جریان ایدن اخذواعطا اکثر یا بعض شرائطه مربوط اولوب مذهب حنفی ده ایسه صلب عقده در میان اولنان انواع شرائطک اکثری بیعی مفسد اولدینی جهته کتاب البیوعک اک مهم مبختی (بیع بالشرط) فصلی اوله رق جمعیت عاجزانه مزجه پک چوق بحث و مناظره یی موجب اولدیغندن مباحثات جاریه نك خلاصه سی بوجه آتی ایراد اولنق مناسب کورلمشدر (بیع بالشرط) حقنده اکثر مجتهدینک اقوالی یکدیگره مخالفدر مذهب مالکی ده مدت جزئیه ایچون و مذهب حنبلی ده علی الاطلاق بائع کندوسی ایچون میعهده منفعت مخصوصه شرط ایده بیلور لکن بائعهده بوصولیت اولوبده مشتری طرفنده اولماسی رأی و قیاسه مخالف کورونیر امام اعظم رحمة الله علیه حضرت تریله هم عصر

اولوبده مؤخرآ اتباعی منقرض اولان مجتهدلردن (ابن ابی لیلی) ایله (ابن شبرمه) رحمة الله علیهما حضرتینی دخی بوخصوصده یکدیگره ضد تام اوله رق برر رأیده بولنمشلردر شویله که : ابن ابی لیلی عندنده علی العموم بیع و شرط فاسد و ابن شبرمه عندنده علی الاطلاق هم بیع جائز و همده شرط جائزدر مذهب ابن ابی لیلی (المسلمون عند شروطهم) حدیث شریفنه میان کورونیر ابن شبرمه مذهبی بو حدیث شریفه تمامیه موافق ایسهده بائع و مشتری اجراسی جائز و قابل اولیمان شرطلر در میان ایده بیلوب شرطه رعایت ایسه بقدر الامکان اولمق فقها عندنده مسلماتدن اولمسلیله شرطه رعایت مسئله سی تخصیص و استتنا قبول ایدر برقاعدهدر بناء علی ذلک مذهب حنفی ده بر طریق متوسط اتخاذا اوله رق بیعک شرائطی (جائز) و (مفسد) و (لغو) دیو اوج قسمه تقسیم اولنمشدر شویله که : عقد بیعک مقتضاسندن اولیوب یاخود مقتضای عقد بنعی تأیید ایتیموبده احد طرفینه نافع اولان شرط مفسد و اکا معلق اولان بیع فاسد اولور و بر طرفه نفعی اولیمان شرطله بیع صحیح و شرط لغودر زیرا بیع و شرادن مقصد تملیک و تملك خصوصی یعنی بالامانع و مزاحم مشتریک میعه و بائعک ثمنه مالک اولمسی کیفیتدر حالبوکه بر طرفه نافع اولان شرطک اجراسنی اول طرف طالب و طرف آخر آندن هارب اوله رق منازعه یه مؤدی اوله بیلور . بوصولده ایسه عقد بیع تمام اولمامش دیمک اولور فقط عرف و عادت منازعه یی قاطع اولدیغندن علی الاطلاق شرط متعارف ایله بیع تجویز اولنمشدر . معاملات تجاریه بوجه مشروح ذاتاً مستثنا برحاله اولوب اصنافک اکثریسنده دخی برر معامله متعارفه تقرر ایتدیکنه و عرف طاری معتبر اولدیغنه نظر افسادی موضوع بحث اوله جق یالکنز برطاقم متفرق و منشتت آلیش و یریش ایدنلرک خارج از عرف و عادت ایتدکبری شرطلر قالب بونلرک دخی چندان دکری و بحث کتورور یری

اولدیغندن معاملات عصرک تیسیری ایچون مذهب حنفی نك خارچنده اوله رق ابن شبرمه مذهبنك اختیاری مناسب کورلیوب سائر فصللرده اولدینی کبی باب اولك دردنجی فصلنده دخی مذهب حنفی اوزره بیعی مفسد اولمیان شرطرك بیانيله اکتفا اولمشدر .

الحاصل بوجله ده مذهب حنفینك خارچنه چیقلمیوب مواد مندرجه - سنك اکثری الحاله هذه فتواخانه ده معتبر و معمول به اولدینی جهته بونلر حقنده بحته لزوم کورولمز فقط ینه فقهای حنفیه دن بعض فحول ائمه نك اقوال معتبره سی ناسه ارفق و مصلحت عصره اوفق اولق حسبيله اختیار اولمش ایدوکندن بونلرک مأخذ مقبوله واسباب موجب سی بوجه آتی بیان اولنور یوزطقسان یدنجی وایکیوز بشنجی ماده لر موجبنجه معدومک بیعی صحیح دکلدلر حالبوکه کل وانکینار کبی شکوفه و سبزه و میوه محصولاتی متلاحق الورود اوله رق بعض افرادی ظهور ایتمدن دیگر بعض افرادی حصوله کلوب کچر اولدینی جهته اکثریا بومثلولرک ظهور ایتمش وایده جک اولان محصولاتی طوبدن اوله رق صایلمق عرف و عادت اولمشدر و بو مثللو محصولاتده موجوده تبعاً معدومک دخی برابر اوله رق طوبدن صایلمسنی (امام محمد بن حسن الشیبانی) رحمة الله علیه حضرتلری استحسنات تجویز بیورمش و (امام فضلی) و (شمس الائمة الحلوانی) و (ابوبکر بن فضل) رحمة الله عليهم آنک قوليله افتا ایتمش اولدقلرندن وناسی بومثللو عرف و عادتلرندن کچورمک قابل اوله میوب حالبوکه معاملات ناسی فساده نسبتدن ایسه مهمما امکان صحته حمل ایتمک اولا اولدیغندن بو مجله ده دخی قول محمد بالترجیح ایکیوز یدنجی ماده آکا موافق اوله رق یازلمشدر (صبره) مسئله سنده مثلاً کیله سی شو قدر غروشه اولق اوزره بر یغین بغدادی صاتلقدده (امام اعظم) رحمة الله علیه حضرتلرینك غندنده یالکنز برکیله سی حقنده بیع صحیح اولور و امامین

رحمة الله عليهمَا عندلرنده اول ييغين تماماً صانلمش اوله رق قاج كيله چيقارسه آكا كوره ثمنی و يرلمك لازم كلوب معاملات ناسی تيسير ايتك حسييله صاحب هدايه كي نيجه فقها دخي بو خصوصده آنلرك قولنی اختيار ايلمش اولدقلرندن ايكيوزيكرمنجي ماده اول منوال اوزره تحير قلمشدر امام اعظم حضرتلرينك عندنده خييار شرطك مدتی اوچ كوندن زياده اوله ميوب امامين عندنده ايسه هر قاج كون مقاوله اولنورسه جائز اولديغنه و بو خصوصده دخي آنلرك قولی حال و مصلحته اوفق كورلديكنه مبنی اختيار اوله رق اوچيوزنجي مادهده مدت مطلق اوله رق درج اولنمشدر خييار تقدده دخي بو اختلاف جاری اولوب بونده مدتک اطلاق خصوصده (امام محمد) عليه رحمة الصمد حضرتلری منفرد ايسهده مصلحت ناسه اوفق اولمق حسييله آنك قولی اختيار اوله رق اوچيوز اون اوچنجي مادهده دخي فلان وقته قدر ديو مدت اطلاق اوزره بر اقلمشدر. امام اعظم حضرتلرينك عندنده استصناعاً منعقد اولان بيعدن مستضع رجوع ايده بيلور ايسهده امام ابو يوسف رحمة الله عليه حضرتلرينك عندنده مصنوع تعريفه موافق اولديغی حالده رجوع ايده مز. شمعی ايسه عالمده يك چوق كارگاهلر ياپيله رق بونجه طوپلر و تفنكلر و واپورلر مقاوله و سپارش ايله ياپديريله كلوب استصناع كيفیتی مصالح جسيمه جاريه دن اولسيه مستضعك عقداستصناعی فسخرده مخير اولسي نيجه مصالح جسيمه يي اخلال ايده جكندن واستصناع خصوصی خلاف قياس اوله رق عرف ناسه مبنی استحساناً مشروع اولان سلمه مقيس و عرفه مستند بر كيفيت اولديغندن مصلحت عصره نظراً امام ابو يوسف قولنك اختياريه لزوم كوريله رك اوچيوز طقسان ايكنجي ماده آكا موافق اوله رق يازلمشدر . مسائل مجتهد فيهاده امام المسلمين حضرتلری هر قغنی قول ايله عمل اولنمق اوزره امر ايدرسه موجبنجه عمل اولنمق واجب اولديغندن معروضات

مبسوطه نزد حقایق وفد وکالتپناهیارنده دخی قرین تصویب بیورلدینی
حاله مجلهٔ ملفوفه نك بالاسی خطهایون حضرت خلافتپناهی ابله توشیح
بیورملق باینده .

فی ۸ ذی الحجّه سنه ۲۸۵ و فی ۱۰ مارت سنه ۲۸۵

عن اعضاء شورای دولت سیف الدین	مفتش اوقاف هایون سیدخلیل	ناظر دیوان احکام عدلیه احمد جودت
عن اعضاء شورای دولت محمد امین	عن اعضاء دیوان احکام عدلیه سید احمد حلبی	عن اعضاء دیوان احکام عدلیه سید احمد خلوصی

عن اعضاء جمعیت ابن طابدین زاده
علاء الدین



مجلد احکام علیہ السلام

دن

قواعد کلیه فقہیہ نک ایضاحی

مرحوم عاطف بک اتریدر

مرحقوقی محفوظدر

مهرسز نسخہ لہ ساخته در

معارف نظارت جلیہ سنک فی ۱۲ حزیران سنہ ۳۱۶ تاریخ و ۱۴۴
نومرولی رخصتنامہ سیلہ طبع اولمشدر

درمعارف

(محمود بک) مطبعہ سی — باب عالی جوارندہ ابوالسعود

جادہ سندہ نومرو ۷۲

۱۳۱۸

مجلة احكام عدليه

بِسْمِ اللَّهِ الرَّحْمَنِ الرَّحِيمِ

مقدم

ايكي مقاله ني حاويدر

مقاله اولی

علم فقهك تعريف و تقسيمى حقنددر

« علم » مطلقاً ادراك معناسندر اكر نسبت تامه خبريه بي اذعان ايسه
تصديق بويه دكسه تصوردر .

« فقه » فانك كسرى وقافك سكونى ايله لغه اكلامق معناسندر
تعريف و تقسيمه متعلق مباحث و تفصيلات علم منطق و مناظره دن معلوم
اولور .

« علم فقه » فى الاصل اعماك اخصه اضافتى قيلندن اوله رق تركيب
اضافى اولوب صكره تعريفى صدندده بولنديغمز فن جليله اسم قلمشدر .
بوکبي اسامى فنونده مضاف و مضاف الیهى معاً ذکر ایتک جائز اولدینی
کبی یالکز مضاف الیه ايله بالاكتفا « فقه » ديمك دخى جائز اولور .

۱ ماده . - [علم فقه مسائل شرعیة عملیه بی بیلمکدر .]

علم فقه کبی برفنک اسمی اولان علم اوج معنایه کلور . اولاً : اوفنک مسائلی ادراک معناسنه ، ثانیاً : نفس مسائل وقواعد معناسنه ، ثالثاً : مسائل وقواعدی ادراک تکررندن حاصل اولان بلکه معناسنه اطلاق اولنور مثلاً علم فقه مسائلی ادراک معناسنه اطلاق اولنورکه مجله نیک اشبو برنجی ماده سننده « علم فقه مسائل شرعیة عملیه بی بیلمکدر . » دبه تعریف اولنشد کذلک نفس مسائل شرعیة عملیه به و مسائل مذکوره به تعلق ایدن ادراکات تکررندن حاصل اولان بلکه به دخی اطلاق اولنور .

مسائل مسئله نیک جمعیدر . مسئله برمطلوبه دینورکه انی اثبات ایچون منسوب اولدینی فنده اکا دلیل اقامه اولنور . و اوفندن مقصود اولور .

« شرعیه » شرعه منسوب دیمکدرکه شرعدن مأخوذ وخطاب شارع موقوف اولان و « عملیه » عمله منسوب معناسنه اولوب کیفیت عمله تعلق ایدن حکمردن عبارتدر .

احکام شرعیه یعنی شرعدن مأخوذ وخطاب شارع موقوف اولان حکمراک ایکی قسمدر . بری کیفیت عمله دیکری کیفیت اعتقاده تعلق ایدر بونلردن برنجیسنه احکام فرعیه و عملیه ، دیکرینه ، احکام اصلیه و اعتقادیه دینور .

احکام فرعیه و عملیه دن بحث ایدن علمه « علم فقه » و « علم شرایع و احکام » و احکام اصلیه و اعتقادیه دن باحث اولان علمه دخی « علم توحید و صفات » تسمیه و اطلاق اولنور .

احکام فرعیه و عملیه مکلفینک یعنی عقل و بلوغ صاحبی اولان انسانلرک افعالنه ترتیب ایده جک و جوب ، صحت ، حرمت ، فساد کبی حکمردن عبارت اولوب احکام مذکوره بی مین اولان مسائله مسائل فقهیه و مسائل شرعیة عملیه دینور اشبو تعریفده « مسائل شرعیة » قیدیه تقیید اولندینی جهته مسائل عقلیه و اصطلاحیه و « عملیه » قیدیه تقیید اولندیغنه بناءً مسائل اعتقادیه و اصولیه خارج قاهره ق تعریف مذکور علم فقهک تعریف صحیحی اولور .

علم فقهک موضوعی و محمولاتی دخی بیلنمک لازمدر . برعلک موضوعی اولعلمه کندوسنک اعراض ذاتیه سندن بحث اولنان شیدر . فقهک موضوعی مکلفک فعلی

و محمولاتی، صحت، فساد، وجوب، حرمت، ندب، و اباحه کبی احکامدر. مکلف عاقل و بالغ اولان کسه در. مجنون و صبی کبی مکلف اولمیانلرک افعالندن عام فقهده. بحث اولنسی ولی و وصیلری اعتباریله در مثلاً: بر مجنون برینک مالنی اتلاف ایتدیکی تقدیرده ائک مالندن تلف اولان شیتک ضمانیله تکلیف، مجنونک ولی ویا وصیسنه اولور.

مکلف اولان انسانک هر بر فعلی ایچون بر حکم شرعی اولدیغندن و دار تکلیف دائم اولدقجه و قوعات و حوادثک انقطاعی قابل و بونلرک جزئی اوله رق احکامنی ضبط ممکن اولیه جفندن فقها مکلف اولان انسانلرک اعمال و افعالیله بونلره ترتب ایدن احکامی برر قضیه کلیه قیلمشلردر که موضوعلری افعال مکلفین و محموللری اباحه، کراهت، وجوب، و حرمت کبی احکام شرع منیردر. قضایای کلیه مذکورده علم فقهک مسائلیدر. مثلاً: « معدومی بیع باطلدر » قضیه سی بر مسئله فقهیه اولوب بونک موضوعی اولان بیع افعال مکلفیندن بر فعل و محمولی اولان بطلان فعل مکلفک عوارض ذاتیه سندن و احکام شرعیه دن بر حکمدر.

شوراسیده معلوم اوله که مسائل فقهیه بمضاً مسئله شکننده اولیه رق و بعضاًده قضیه شرطیه اوله رق ذکر اولور. انجق مسئله شکننده اولیان قضیه حلیه و قضیه شرطیه بی مسئله صورتنه ارجاع ایلمک اربابنه کوره کوچ دکدر. مثلاً: « عاقدین بعدالعقد رضالری ایله بیعی اقاله ایده بیلورلر » دنیلدیکی حانده بو بر مسئله فقهیه در. فقط طوغریدن طوغری به مسئله شکننده ذکر اولنمشدر چونکه ذکر اولنان قضیه ده فعل مکلف اولان اقاله موجود ایسه ده احکام شرعیه دن بری بولنمینی جهته طوغریدن طوغری به مسئله اوله میوب بلکه مسئله شکل و صورتنه ارجاعه محتاجدر. بو قضیه « بعدالعقد طاقدینک رضالریله بیعی اقاله صحیحدر » شکننه ارجاع اولنورسه موضوعی افعال مکلفیندن و محمولی احکام شرعیه دن بر مسئله فقهیه اولور.

کذلک « بیع مطلق ایله صاتیلان بر مالک عیب قدیمی تبین ایدر ایسه مشتری مخیر اولور » قضیه سی مسائل فقهیه میاننده ذکر اولنمقده ایسه ده طوغریدن طوغری به مسئله فقهیه اولیوب بر قضیه شرطیه در. قضیه شرطیه ایسه حقیقته مسئله اوله من. انجق قضیه مذکورده « بیع مطلق ایله صاتیلان بر مالک عیب قدیمک تبینی صورتنده مشتریک خیاری ثابت و صحیحدر » صورتنه ارجاع اولنورسه موضوعی اولان خیاری افعال مکلفیندن و محمولی اولان صحت احکام شرعیه دن اوله رق بر قضیه حلیه و بر مسئله فقهیه اولور « مسائل فقهیه » یعنی علم فقهک تمریننده ذکر